


趙州志

22.6213
4932.0732
32

Kodak Color Control Patches





直隸趙州志卷三

建置志

古者建國辨方正位設官分職後世為郡縣星羅
 綦布而土木興築之役繁非病民也城郭所以衛民
 社衙署所以布德威若學校壇廟倉廩驛遞之類皆
 治人事神興養立教鉅典所關何莫非王政所寓耶
 然因時經畫存乎其人上存治體下順輿情斯知為
 政之要矣志建置

城池

官署



學校

壇廟

倉廩

驛遞

城池

易曰王公設險以守其國詩曰實墉實壑此談守禦者所以有取於城池之高深也趙地雖廣衍平曠無險可據然河朔爲天下之根本趙卽爲河朔之咽喉自唐宋後或爲郡或爲府或爲州滄桑屢易入我皇朝規制崇闐屹然爲畿南屏翰守土者覽茲形勝加以撫綏之政則眾志成城金湯永固矣

州城土築建置莫考基博二丈五尺垣崇三丈二尺周圍十三里有奇燧臺六十有二女牆崇五尺加堞二千八百八十有一東垣七百四十八丈自良隅迤邐

外跨當卯位內折直引至南門居乙辰之間巽隅起魁樓今移置巳位南垣繩直四百九十六丈門居丁未之間西垣七百四十九丈自坤隅直引抵酉辛間折而東郭門在焉循郭右偏東行百丈再折而北百數十丈乃爲乾隅北垣四百一十九丈自乾歷亥皆直引當壬位外跨斜指門居癸丑之間東抵艮隅止門凡四重關雙闔東曰升華南曰臨浚西曰澄波北曰拱辰

按垣墉郭郭歲久傾圯人人可越咸豐三年九月粵逆北犯飄忽馳突防禦不及城遂陷同治七年知州

劉公錫穀興工繕治用畝捐法九年知州高公維翰以畝捐不時集改勸富民出貲遷延畏縮至十年乃歲事惟起東樓時義民楊新春楊家郭人出制錢一千六百貫佐役事屬罕覯故附記之

濠闊十丈深十尺繞城四周匝水汪洋聞舊時徧種紅蓮垂柳翳之夏日荷香拂拂游鱗喋唼勝概也厥後清水河來源旣竭濠亦旋涸居民犁爲平田租入充書院諸生之用同治四年知州段公廣瀛倡議加濬寬三丈深一丈三尺半四境畢赴工將訖秋霖羣注而止然需民力已不貲矣

官署

官署爲出政臨民之所規制不闕則觀瞻不肅非所以別上下而昭等威也趙自經兵燹後州署爲墟議興復者每以役大費繁而止然趙爲畿輔雄郡統轄諸邑以萬民屬耳目之地而鞠爲茂草可乎哉今州守孫公因遺基擴舊制堂皇解舍煥然一新凡所爲辨曲直明賞罰申誥誡樹風聲胥於是乎在而紳民胥吏亦奉行不怠爭自濯磨不宛然旭日初升之象歟

知州治所居城之乾位肇基歲月五代以前無可考或

云卽漢東光侯耿純故宅援署前望漢臺證之北宋
爲慶源軍治所舊有軍使廳題名碑記見藝文明洪武初署知州楊

德成建立堂宇成化七年堂燬於火明年知州潘洪

重建記見藝文堂後爲慶源堂又後爲中正堂嘉靖四十

三年知州李方至建舊宅偏右李始改移故址中正名之卽歲寒軒故址

國朝知州孔興訓改爲協恭堂又有敬義堂在慶源堂之

右卽舊內寢也大堂東偏爲庫樓高數尋石基鞏固

古幕廳地記見藝文堂之南門三中日儀門左曰誠和右

曰廣愛吏舍分列其內比宇聯衡再南曰大門設壁

翳之南臨通衢有臺危峙類闔闔則望漢臺也以上舊署

咸豐三年九月初二日粵逆北犯城陷州署悉被焚

燬嗣是州守僦屋治事或居試院亟思興築而土木

工鉅片瓦尺椽無可憑藉卒難修復光緒二十年七

月州守孫公涖任始集僚佐紳耆妥爲商酌捐廉

興工大堂額曰敬事後爲二堂再後爲內署兩旁屋

宇鱗次大堂南爲儀門爲大門爲照壁經始於甲午

九月落成於乙未仲冬民間出貲無幾皆修治完善

內外整肅趙之衙署又巍然一鉅觀矣

照壁一座 大門三間 儀門三間 東西角門各

一間 大堂五間接厦三間 宅門一間 二堂三

閒 內宅門一間 上房五間 東西廂房各三間
 門房三間 又南屋九間 北屋二間 客廳三
 閒 又門房後北屋三間 書房北屋三間 內花
 廳北屋三間 又西院北屋三間 又南屋三間
 北院一所北屋三間 又南屋三間 上房東西兩
 跨院北屋各三間南屋各三間 又前北屋五間
 又東屋三間 賬房北屋三間 東屋二座六間
 茶爐屋二間 又南屋三間 廚房七間 又南屋
 一間 庫房院西屋三間 穿廊西屋三間 又南
 屋二間 大堂西聽差北屋二間 又東角北屋二

閒 花園西屋六間

共瓦房平房一百三十三間

州判廨在州署西

即明通判宅宅舊有二一為管馬衙署一為管糧衙署嘉靖時裁管馬判

官宅併為一

東花廳咸豐十年州判孟傳鑄創建顏曰中

隱鳴有自記

同治十二年州判崔允勤重修

吏目廨在州署東

舊為同知廨明宣德末裁併為吏目宅

儀仗庫在儀門外左土地祠內舊曰駕庫明嘉靖閒知

州蔡懋昭建

今廢

監獄在大門內西

鄣城驛舊在州署之西右為驛丞宅及鋪陳庫養馬房

久廢驛丞亦裁今尙有驛廳三間在望漢臺西備過客餐宿之地而驛所移於州署東偏與吏目宅比鄰不知起於何時草廠舊在州署西南今在驛所後

東西察院小察院太僕寺行署 今俱廢

迎賓館在大門內卽古畫訪堂 陰陽學醫學在州門

左 申明亭旌善亭 總舖府廳俱在大門左 今均廢

留賓館在西門外小石橋南 今廢

趙州營 屬正定營總兵舊無衙署僦居民舍 守備一人 初設千總嘉慶八年移干總駐茨溝

移茨溝營守備於此爲趙州 把總一人 駐本營 外委三

人 一分防柏鄉汛一分防隆平汛一分防臨城汛 馬兵二十六名 額設營汛共四十八

名調入練軍二十一 駐本營 步兵二名 守兵六十九名

名實存二十六名 額設營汛共一百二十五名調入練軍五十六名實存六十九名

演武場在西關槐蔭寺西共地七十畝舊有廳臺垣坊 今廢地存

學校

古者建學明倫書升論秀甄陶備而樂育宏故人材稱極盛焉後世郡國有學自漢景帝時文翁建學於蜀至武帝乃詔天下郡國皆立學校官歷代相沿而師儒遂有專責屏異端崇正學俾士子明體達用不煥經猷如胡安定之教授蘇湖朱考亭之講學鹿洞尤其彰彰者也我

朝學校規制崇閎歲時修葺趙近首善嚮化尤先誠有人以振興之將詩書禮樂之澤淑我髦士厥功偉矣至於書院義學所以佐學校也俱書於左

文廟在州治南里許城隍廟東宋天聖閒詔天下郡邑
 建學權輿於此趙為河朔重地復以國姓升節鎮錫
 軍額爾時廟制自必崇闋嚴邃方稱雄州鉅觀今門
 內存豐碑二高踰尋丈其故物也靖康之末毀於兵
 時以守城禦金撤材木備樓櫓之用金天會十二年攝州事鴻臚少卿
 趙維甫修大成殿有記見皇統三年州倅任百祥修
 兩廡有記見泰和中知州路元築重門廊廡元真定
 路工匠都總管趙振玉獨力捐修有記見至正十三
 年州倅哈只某重修明洪武十三年知州周誠重修
 景泰四年學正鄭鋼及州胡宏重修有碑天順六

年知州何濬重修有碑成化十七年知州陳瑄重修

有記見隆慶元年知州蔡懋昭重修並置啟聖祠大

成殿東南偏為祭器庫兩翼而南有兩廡前為戟門

又前為櫺星門門內有名宦鄉賢二祠有記見天啟

四年知州蔣觀獨力捐修有碑堂廡巍峩古柏蒼鬱

兩相輝映真大觀也

國朝順治十一年知州陶鼎鉉重修有記見乾隆四十九

年知州黃甯重修有碑光緒五年知州楊蔚本重修

有碑

崇聖祠在大成殿後

名宦祠在櫺星門內東列祀自周至 國朝二十三人

詳見祠祀

鄉賢祠在櫺星門內西列祀自周至 國朝二十四人

詳見祠祀

忠義孝弟祀在文廟右

節孝祠在文廟左

明倫堂在文廟之乾隅前有二齋東為進德今存西為

修業久廢

學正宅 訓導宅在明倫堂右

尊經閣在明倫堂後明成化十七年知州陳瑄撤舊講

堂改建

金皇統三年州倅任百祥會修重閣

萬曆四十三年知州王佐

才重修

有記見藝文

國朝順治十八年知州商永傑獨力捐修

有記見藝文

康熙十

一年學正閻永齡重修乾隆四十九年知州黃甯重

修

敬一亭在明倫堂後尊經閣前明嘉靖七年建

國朝順治十八年知州商永傑重修康熙十一年學正閻

永齡重修

試院在西門內東南乾隆元年創建大堂五間接厦三

間穿堂三間二堂三間名樹人堂後為大樓二層五

開樓前東西配房各三間樓後上房三間大堂之前
為考棚共六十三間南為二門大門官廳在門東供
給所在門西吏舍庖厨連繚四周又數十間

學額科歲試各取文章二十一名屬縣撥
入三名歲試取武

童十八名屬縣撥
入三名

廩膳生三十名增廣生三十名三年兩貢

文昌祠在文廟東鄰

魁樓舊在南城上巳位乾隆四十五年移建巽位今復
移在巳位

學莊二所元同僉樞密院事趙良弼置一在州東趙

村地八百畝一在州東北梨村地二百畝餘田七十

畝給學中灑掃夫食用有記見
藝文久廢

慶陽書院舊在州署大門外東偏道光末年講堂大門

尚存後漸廢同治六年知州劉錫穀移建於明倫堂

東起四室北為講室南與東為號舍又建一舍於進

德齋之南西向有碑
記

義學在西關康熙五十四年建久廢學田尚存

社學在城隍廟門內雍正九年建久廢

壇廟

建國必有壇廟等而下之郡邑亦然祭祀以秩垂爲典禮非梵宇琳宮之可比也趙之壇廟建置歷有年所儻風雨剝蝕廢墜不修將春秋無以致禋祀水旱何以申祈禱乎第神者民所奉民者神之主果能三時不害先成民而後致力於神則民和而神降之福矣

社稷壇在西門外永通橋之北古冶河西岸

今存

風雲雷雨山川壇在南門外迤東平棘臺之北入蜡廟

西

今存

先農壇在東門外迤北雍正四年奉

旨建前右古柏二行同治九年州判孟傳鑄重修壇後舊

有廟藏神主之所久廢

厲壇在北門外同治九年吏目徐璜重修十一年知州

張保泰於壇北創建城隍行殿三間接任知州存祿

完成之

關帝廟在州署西與南門相對不知所自始三殿並峙

前墀關帝像中為三義殿漢昭烈帝居中東西列坐

者關帝與張桓侯也

始並坐明知州蔡懋昭改列東西

後殿祀關帝

三代明嘉靖閒知州馬晉重修萬曆閒知州蔣觀重

修

國朝康熙二十四年重修雍正十一年知州徐士鑑重修

乾隆四十年興安重修道光十四年德克崇額重修

咸豐三年粵逆犯州前中二殿燬於火荒棄不治者

十年同治元年移正殿於中殿之址修復皆民力也

有記見 三義殿遂廢

城隍廟在州署正南創始無考嘉靖二十二年孝廉李

時陽等重修

有記見

隆慶初知州蔡懋昭重修

有記見

文萬曆四十六年重修正殿三間後殿三間正殿達

於後殿中捲亭南北三間殿前有貳門三間門內左

右曹司各五十間門外東鼓樓西鐘樓鐘樓西北十
王殿三間鼓樓東北廣生殿三間兩殿前各有門兩
門之中卽廟大門三間門南甬道三十武有坊

國朝康熙三十五年知州李坦重修雍正十二年知州徐
士鑑重修乾隆四十七年重修咸豐元年重修三年
秋經粵逆之變前後燬於火延及西廡咸豐十一年
知州陳鍾祥取州署大堂材木建正殿及前厦

八蜡廟在南門外平棘臺之北

劉猛將軍廟在柏林寺內雍正二年奉

敕建道光二十三年知州金殿重修

眞武廟一一在北門外萬厯四年建久廢一在西門內
今存

火神廟在常平倉東

火龍廟在火神廟北

龍神廟二一稱龍王堂亦名龍泉雙廟在北門外里許

中庭一井素著靈應有元皇慶元年碑明萬厯五年

重修

有碑記

四十七年又修並置贍田

有碑記

崇禎元年

重修

有碑記

國朝康熙十三年有禱雨碑

玉皇廟在文廟東路北

三皇廟在北門內街南路北

藥王廟在試院東迤南路北高阜上

洹水河神廟在西關迤南河岸上殿宇三楹現任知州

孫公傳棧創建以光緒二十年七月十二日大水村

舍幾為淹沒孫公虔禱城上水為退卻因買地立廟

於此

柏林寺

在州城東門內路北有唐吳道子畫水真際禪師浮圖又有昭忠祠祀陣亡將士咸豐三年燬

西林寺

在宋村西有岡高聳而上平廣濶二十餘畝洹水環其左豬龍河在其西寺踞其上為元桂嵩禪師說法處

金山寺

在沙河店南西有僧忠親王祠兩廂以本州陣亡團勇附祀

鐵佛寺

在大夫莊大安村秀才營朱家莊四村之間地基濶大殿宇森嚴為一方鉅觀

彌陀庵

在郡北賈店前臨孔道為賓旅憩息之所

泰山聖母廟

在西封斯村有趙南星謨文

倉廩

附養濟院

漏澤園

預備倉在州署東南里許舊有二倉西倉不可考今存者乃康熙十一年知州祝萬祉重修之東倉也後改名常平倉南向三廩共九間西向二廩共六間東向三廩共七間東西廩之南又有外跨四廩共二十間近就頽敗同治八年知州高維翰廢迤南外跨四廩修存南向三廩東西向五廩共二十二間東廩之北起倉夫室二間

俸糧倉在大門外右偏

久廢

州倉在監獄西

社倉 失考

義倉九所 乾隆十四年創建

大石橋 東五廩三間
西五廩三間

新寨店 北西廩三間
南西廩三間

許家郭 西五廩三間
北廩三間

范莊 北平廩三間

北龍化 北平廩三間

養濟院在州治東北

漏澤園 四門外各立以收貧民無葬地者

沙河店 東前廩三間
後廩三間

西封斯 東五廩三間

梨村 東五廩二間
北五廩三間

溝岸村 北五廩四間

驛遞

遞運所在州治東 大清一統志及雍正志 部城馬驛在州治西 方輿

紀要

一舊額裁存驛馬七十六匹每匹日支豆草麩銀七

分五釐四毫除小建五日不支歲共支銀二千零

三十四兩二錢八分九釐

一差驢十二頭每頭日支豆草麩銀三分三釐九毫

除小建五日不支歲共支銀一百四十四兩四錢

一分三釐

一馬夫三十八名傳報撥馬夫五名獸醫一名喂馬

夫二名共四十六名每名日支工食銀六分除小建五日不支歲共支銀九百七十九兩八錢

一鈔牌書手二名每名日支工食銀七分五釐除小建五日不支歲共支銀五十三兩二錢五分

一夫頭二名每名日支工食銀一錢除小建五日不支歲共支銀七十一兩

一擯轎夫八十名內扣留二夫一十六名實存六十四名每名日支工食銀八分除小建五日不支歲共支銀一千八百一十七兩六錢

一歸驛接遞皂隸四十名走遞牌夫三十名共七十

名內扣留二夫一十四名實存五十六名每名日支工食銀一分五釐除小建五日不支歲共支銀二百九十八兩二錢

以上驛費歲共支用夫馬工料等銀五千三百九十八兩五錢五分二釐遇閏按月加增

又馬驢需用並雜支等項共銀二百一十六兩八錢七分

又買補倒馬二十四匹共銀一百九十四兩四錢每匹價銀八兩一錢

又常行廩糧銀六百四十八兩用無定額

又備僱夫銀五百二十八兩九錢五分用無定額

同治十年分本驛於額設工料銀內扣夫馬小建五

日銀八十三兩四錢七分三毫二絲又留二夫銀

五百二十八兩九錢五分內因僱夫支用銀七十

三兩尚餘剩銀四百五十五兩九錢五分又額設

廩糧除應付一十七兩五錢二分尚餘剩銀一百

三十兩零四錢七分一歲統共支用夫馬工料雜

項等銀五千九百零三錢五分二釐在於本州地

糧銀內存留支給遇閏加增餘銀扣解以上司册

急遞舖舍六曰在城在州前曰周村在州北十里曰新

寨在州北二十里曰封家在州南十二里曰沙河在

州南二十里曰西章在州東十里又州北五里曰蘇

州南七里曰大石橋十五里曰大詒二十五里曰野雞俱腰舖

直隸趙州志卷四

祠祀志

洪範入政三曰祀祀者致祈昭報通幽明肅治體康
下民也稽祀典所載有五靡匪爲保障風化計否弗
與焉叔季禮制頽廢祭法混淆

國朝釐革掃除一歸於正而趙州境內之祀秩然罔有
竄且亂者是故崇正道闢異端昭功德息淫侈典禮
定制所關亦隆且鉅矣司土者又安可忽焉志祠祀
壇壝

文廟

廟祀

壇壝

社稷壇

按人非土不立非穀不食故立社示尊封稷而祭之
 周制有國社置社國社州郡縣社置社里社也社配
 以句龍稷配以周棄社壇在東稷壇在西俱北面祭
 以每歲春秋仲月上戊日用帛二 白磁爵三 羊
 豕各一 血豆一 鉶一 簠簋各二 籩豆各四
 鐙二共一祝版
 禮三獻三跪九叩首

祝文

維

神奠安九土粒食萬邦分五色以表封圻育三農而蕃稼
稽恭承守土肅展明禋時屆仲春敬備祀典庶九秋九
松柏鞏磐石於無疆翼翼黍苗佐神倉於不匱尙

饗

風雲雷雨山川壇

漢唐宋風雷雨各立壇以祭明洪武二年增祀雲合
爲一壇六年又合山川共爲一壇八年又以城隍合
爲一壇中列風雲雷雨之神山川左城隍右
國朝因之

祭以每歲春秋上戊日用祝版一 帛七 尊一爵

二十有一 羊豕各一 釧二 簠簋各二 籩豆

各四 鐙二 香盤一 鑪一 禮同前

祝文

維

神贊襄天澤福佑蒼黎佐靈化以流形生成永賴乘氣機
而鼓盪溫肅攸宜磅礴高深長保安貞之吉憑依鞏
固實資捍禦之功既民俗之殷盈仰神明之庇護恭
修歲祀正值良辰敬潔豆籩祗陳牲幣尙

饗

先農壇

祭以每歲仲春亥日用祝版一 帛一 青 羊豕各

一 鉶一 籩豆各四 簠簋各二 禮同前

祝文

維

神肇興稼穡粒我蒸民頌思文之德克配彼天念率育之功陳常時夏茲當東作咸服先疇洪惟九五之尊歲舉四推之典恭膺守土敢忘勤勞謹奉彝章聿修祀事惟願五風十雨嘉祥恆沐於神庥九穗雙歧上瑞頻書於大有尙

饗

祭畢詣耕藉所照九卿九推九返畢望

闕行三跪九叩首禮

厲壇

祭以每歲清明日七月十五日十月朔日

城隍位前用祝版一 帛一 爵三 羊豕各一 羹

五 鐙二 香盤紙馬

無祀鬼神 東西各一案 每案用爵三 菜三 羊豕各一

米飯三石 鐙二 紙楮十兩 金銀鏹十束

祝文

維年月日謹以牲帛醴齊黍稷之儀致祭於

城隍之神曰幽明異路守土維均命折殊名求食罔異
惟聰明正直而一有以作之鑒觀庶焄蒿悽愴之精
無不極其情狀爰尊定制聿舉明禋凡斯無祀之魂
俱屬有生之類爲男爲女姓莫紀於宮商是故是新
代何稽於子丑號風嘯雨斷子姓而疇依附草棲煙
絕姻親其何託謹設壇於城北仰主祭於尊神維茲
中元
禁煙
焚衣之節敬備牲醴肅具飯羹統一境之幽魂索羣
靈而大享鬼者歸也庶幾望壇墮以知歸神之格思
尙其鑒馨香而來格尙 饗

文廟

歷代建廟塑像崇祀攸隆載在史冊不復贅嘉靖九
年撤像祀木主

國朝因之順治元年定每歲春秋仲月上丁日直省府
州縣各行釋奠於 先師之禮以地方正印官主祭
陳設禮儀均與國子監同又令每月朔望各府州縣
官依舊例行香康熙二十九年議準文武官軍民等
經過文廟下馬四十九年奉

上諭直省府州縣致祭 先師凡同城大小文武官均照
例入廟行禮雍正二年令郡縣二祭增用太牢

廟額

康熙二十三年

欽頒萬世師表匾額雍正五年

欽頒生民未有匾額乾隆元年

欽頒與天地參匾額嘉慶元年

欽頒聖集大成匾額道光元年

欽頒聖協時中匾額咸豐元年

欽頒德齊疇載匾額同治元年

欽頒聖神天縱匾額並懸大成殿

大成殿正位

至聖先師孔子

東配

復聖顏子

漢永平十五年祀七十二弟子顏子位第一
魏晉祀孔子均以顏子配唐貞觀二年以孔
子為先聖顏子配饗

述聖子思子

宋大觀二年從祀端平三年
升列哲位咸淳三年配饗

西配

宗聖曾子

唐開元八年從祀
宋咸淳三年配饗

亞聖孟子

宋元豐七
年配饗

東哲

先賢閔子

先賢冉子

先賢端木子

先賢仲子

先賢卜子

先賢有子

西哲

先賢冉子

先賢宰子

先賢冉子

先賢言子

唐貞觀二十一年以經師從
祀開元八年以十哲從祀
唐開元元年從祀國
朝乾隆三年升列哲位

先賢顓孫子

唐開元八年從祀宋
咸淳三年升列哲位

先賢朱子

宋建炎四年生慶元六年卒年七十一
淳祐元年從祀國朝康熙五十一年升列
哲位

以上哲位宋以前皆稱封爵明嘉靖九年改稱先賢

某子

國朝因之有子朱子升列哲位從一例

東廡先賢

先賢公孫僑

左傳魯襄公八年始見昭公八年卒
國朝咸豐七年從祀原西廡擬移東廡

先賢林放

唐開元二十七年從祀明嘉靖九年改祀
於鄉國朝雍正二年復祀原西廡擬移
東廡

先賢原憲

先賢南宮适

先賢商瞿

先賢漆雕開

先賢司馬耕

先賢梁鱣

先賢冉儒

先賢伯虔

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良儒

先賢公肩定

先賢鄒單

先賢罕父黑

先賢榮旗

先賢左人郢

先賢鄭國

先賢原亢

先賢廉潔

先賢叔仲會

先賢公西輿如

先賢邾巽

先賢陳亢

先賢琴張

先賢步叔乘

先賢秦非

先賢顏噲

先賢顏何

先賢縣亶

先賢牧皮

原西廡擬
移東廡

先賢樂正克

先賢萬章

先賢周敦頤

先賢程顥

先賢邵雍

西廡先賢

先賢蘧瑗 原東廡擬移西廡

先賢澹臺滅明 原東廡擬移西廡

先賢宓不齊

先賢公冶長

先賢公皙哀

先賢高柴

先賢樊須

先賢商澤

先賢巫馬施

先賢顏辛

先賢曹卹

先賢公孫龍

先賢秦商

先賢顏高

先賢壤駟赤

先賢石作蜀

先賢公夏首

先賢后處

先賢奚容蒧

先賢顏祖

先賢句井疆

先賢秦祖

先賢縣成

先賢公孫句茲

先賢燕伋

先賢樂欬

先賢狄黑

先賢孔忠

先賢公西蒧

先賢顏之樸

先賢施之常

先賢申棖

先賢左邱明

先賢秦冉

先賢公明儀

先賢公都子

先賢公孫丑

先賢張載

先賢程頤

以上先賢位宋以前從祀者皆稱封爵明嘉靖九年
 改稱先賢某子周張程邵五子嘉靖時稱先儒崇正
 十五年改稱先賢位在七十子之下漢唐諸儒之上
 國朝俱稱先賢不稱子

東廡先儒

先儒公羊高

子夏弟子唐貞觀二十一年從祀

先儒伏勝

秦博士唐貞觀二十一年從祀

先儒毛亨

秦漢間人國朝同治二年從祀

先儒孔安國

漢武帝時為博士侍中唐貞觀二十一年從祀原西廡擬移東廡

先儒后蒼

漢宣帝時為博士明嘉靖九年從祀

先儒鄭康成

漢永建二年生建安五年卒年七十四唐貞觀二十一年從祀明嘉靖九年改

先儒范甯

晉咸康五年生隆安五年卒年六十三唐貞觀二十一年從祀明嘉靖九年改祀於

先儒陸贄

唐天寶十三年生永貞元年卒年五十二國朝道光六年從祀

先儒范仲淹

宋端拱二年生皇祐四年卒年六十四國朝康熙五十四年從祀

先儒歐陽修

宋景德四年生熙甯五年卒年六十六明嘉靖九年從祀

先儒司馬光

宋天禧三年生元祐元年卒年六十八咸淳三年從祀原西廡擬移東廡

先儒謝良佐

宋元豐八年進上與楊時同稱程門四先生國朝道光二十九年從祀

先儒羅從彥

宋熙甯五年生紹興五年卒年六十四明萬曆四十二年從祀

先儒李綱

宋元豐六年生紹興十年卒年五十八
國朝咸豐元年從祀原西廡擬移東廡

先儒張栻

宋紹興三年生淳熙七年卒年四十
入景定三年從祀原西廡擬移東廡

先儒陸九淵

宋紹興九年生紹熙三年卒年五十四
明嘉靖九年從祀原西廡擬移東廡

先儒陳淳

宋紹興二十三年生嘉定十年卒
年六十五國朝雍正二年從祀

先儒眞德秀

宋淳熙五年生端平二年卒年五十八
明正統二年從祀原西廡擬移東廡

先儒何基

宋熙淳十五年生咸淳四年卒年八十一
國朝雍正二年從祀原西廡擬移東廡

先儒文天祥

宋端平三年五月二日生元至元十九
年卒年四十七國朝道光二十三年
從祀原西廡

先儒趙復

生卒年無考以宋端平二年至北庭當
列元儒之首國朝雍正二年從祀

先儒金履祥

宋紹定五年生元大德七年卒年七十
二國朝雍正二年從祀原西廡擬移

東廡

先儒陳澔

宋景定二年生元至正元年卒年八十一
國朝雍正二年從祀原西廡擬移東廡

先儒方孝孺

元至正十七年生明建文四年卒
年四十六國朝同治二年從祀

先儒薛瑄

明洪武二十二年生天順八年卒年七
十六隆慶五年從祀原西廡擬移東廡

先儒胡居仁

明宣德九年生成化二十年卒
年五十一萬曆十二年從祀

先儒羅欽順

明成化元年生嘉靖二十六年卒
年八十三國朝雍正二年從祀

先儒呂柟

明成化十五年生嘉靖二十一年卒年六
十四國朝同治二年從祀原西廡擬移

東廡

先儒劉宗周

明萬曆六年生國朝順治二年卒年
六十八道光二年從祀原西廡擬移東

廡

先儒孫奇逢

明萬曆十二年生 國朝康熙十四年卒 年九十二 道光八年從祀原西廡擬

先儒張履祥

同治十一年從祀 卒年六十三 雍正二年從祀原西廡擬

先儒陸隴其

明崇正三年生 國朝康熙三十一年卒 年六十三 雍正二年從祀原西廡擬

西廡先儒

先儒穀梁赤

子夏弟子 唐貞觀二十一年從祀

先儒高堂生

秦末漢初人 唐貞觀二十一年從祀 漢武帝初年對策為江都相 元至

先儒董仲舒

漢武帝時河間獻王博士 順元年從祀原東廡擬移西廡

先儒毛萇

漢武帝時河間獻王博士 唐貞觀二十一年從祀

先儒杜子春

漢永平初年九十 唐貞觀二十一年從祀原東廡擬移西廡

先儒諸葛亮

漢光武四年生 建興十二年卒 年五十四 國朝雍正二年從祀原東廡擬移

先儒王通

陳至德二年生 隋義甯二年卒 年三十五 明嘉靖九年從祀

先儒韓愈

唐大曆三年生 長慶三年卒 年五十七 宋元豐七年從祀

先儒胡瑗

宋淳化四年生 嘉祐四年卒 年六十七 明嘉靖九年從祀

先儒韓琦

宋大中祥符元年生 熙甯八年卒 年六十八 國朝咸豐二年從祀原東廡擬移西

先儒楊時

宋皇祐五年生 紹興五年卒 年八十三 明宏治八年從祀

先儒尹焞

宋熙甯四年生 紹興十二年卒 年七十二 國朝雍正二年從祀

先儒胡安國 宋熙甯七年生紹興八年卒

先儒李侗 宋元祐八年生隆興元年卒

先儒呂祖謙 宋紹興七年生淳熙八年卒

先儒黃榦 宋紹興二十二年生嘉定十四年卒

先儒蔡沈 宋乾道三年生紹定三年卒

先儒魏了翁 宋淳熙五年生嘉熙元年卒

先儒王柏 宋慶元三年生咸淳十年卒

先儒陸秀夫 宋端平三年十月八日生祥興二年卒

先儒許衡 宋嘉定二年生元至元十八年卒

先儒吳澄 宋正統八年生元統元年卒

先儒許謙 元至元七年生後至元三年卒

先儒曹端 明洪武九年生宣德九年卒

先儒陳獻章 明宣德三年生宏治十三年卒

先儒蔡清 明景泰四年生正德三年卒

先儒王守仁 明成化八年生嘉靖七年卒

先儒呂坤 明嘉靖十五年生萬曆四十六年卒

先儒黃道周 明萬曆三十三年生國朝順治三年卒

西廡

先儒湯斌

明天啟七年生 國朝康熙三十六年卒 年六十一道光二年從祀原東廡擬移西廡

以上先儒位明嘉靖以前從祀者皆稱封爵嘉靖九年改稱先儒某子

國朝稱先儒不稱子

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠

東配

先賢孔氏孟皮

國朝咸豐七年配饗

先賢顏氏

名無繇唐開元二十七年從祀明嘉靖九年配饗

先賢孔氏

名鯉宋咸淳三年從祀明嘉靖九年配饗

西配

先賢曾氏

名皙唐開元二十七年
從祀明嘉靖九年配饗

先賢孟孫氏

名激明嘉靖
九年配饗

東廡先儒

先儒周氏

名輔成年無考明萬
曆二十三年從祀

先儒程氏

名珦宋景德三年生元祐五年
卒年八十五明嘉靖九年從祀

先儒蔡氏

名元定宋紹興五年生慶元四年
卒年六十四明嘉靖九年從祀

西廡先儒

先儒張氏

名廸年無考國
朝雍正二年從祀

先儒朱氏

名松宋紹聖四年生紹興十三年
卒年四十七明嘉靖九年從祀

以上先賢先儒位明嘉靖時稱先賢某子先儒某氏

國朝因之

至聖先師陳設

帛一

白

尊一

白磁爵三

血豆一

牛一

羊

一

豕一

登一

釧二

簠二

簋二

籩十

豆十

鐙二

四配陳設

東西各
二案

帛一

白

尊一

白磁爵三

豕一

羊一

釧二

簠二

簋二

籩八

豆八

鐙二

十二哲陳設

東西各
一案

帛六色白 尊一 白磁爵三 羊一 豕一 鐙一

簋一 簋一 籩四 豆四 釧二

兩廡陳設東西各二案三俎

帛各一色白 羊三 豕三每羊一豕一同俎凡三俎 簋各一

簋各一 籩各四 豆各四 釧各二 三尊同拈

崇聖祠正位陳設

帛五色白 尊一 爵五 血豆一 羊一 豕一

釧二 簋二 簋二 籩八 豆八 鐙二

配位四賢陳設東西各一案

帛二 尊二 鐙二 釧二 簋一 簋一 籩四

豆四 羊一 豕一 每位爵三

從祀五先儒陳設東西各一案

尊一 鐙二 簋一 簋一 籩四 豆四 羊一

豕一 每位爵三 帛一

齋戒

正祭前三日獻官陪祭官及諸執事成沐浴更衣散齋二日各宿別室致齋一日同詣祭所仍理事務惟不飲酒不茹葱韭蒜不弔疾不問疾不聽樂不行刑不判署刑殺文字不預穢惡事致齋惟理祭事

省牲

正祭前一日執事者設香案於宰牲所贊禮者引獻官常服詣省牲所省牲揖執事者牽牲香案前視過純色肥腯無有抵易再揖省牲畢遂宰牲以毛血少許盛於盤其餘毛血以淨器盛祭畢埋之取毛以告純取血以告殺也

文廟祭文

惟先師德隆千古道冠百王揭日月以常行自生民所未有屬文教昌明之會正禮和樂節之時壁雍鐘鼓咸恪薦於馨香泮水膠庠益致嚴於籩豆茲當仲秋春祇率彝章敬展微忱聿將祀典以復聖顏子宗聖

曾子述聖子思子亞聖孟子配尙饗

崇聖祠祭文

惟王奕葉鍾祥光開聖緒盛德之後積久彌昌凡聲教之覃敷率循源而溯本宜肅明禋之典用伸守土之忱茲惟仲春聿修祀事配以先賢顏氏曾氏孔氏孟孫氏尙饗

祭儀

迎送神行三跪九叩禮讀祝初獻亞獻終獻飲福受胙行一跪一叩禮四配十二哲兩廡迎送神行一跪三叩禮奠獻行一跪一叩禮崇聖祠迎送神行二跪

六叩禮奠獻行一跪一叩禮

名宦祠

歲以春秋二仲月上丁日祭文廟畢主祭官易常服致祭迎神送神各再拜獻帛三獻爵讀祝皆立祭品帛一爵三簋一籩二豆二羊一豕一

祭文

維公德秉廉明功昭社稷俎豆維馨儀型是式茲維

仲春秋謹以牲帛醴齊庶品式陳明薦尙饗

鄉賢祠

歲以春秋二仲月上丁日致祭禮儀陳設與祭名宦

祠同

祭文

維公功崇昭代望重鄉評光生俎豆用垂典型茲維

仲春秋謹以牲帛醴齊庶品式陳明薦尙饗

州名宦祠

趙相國公仲連

東漢鄆城尉賈復

南北朝趙郡太守李曾

南北朝殷州刺史崔楷

隋趙州刺史楊達

唐趙州刺史高獻

唐知平棘縣弓志元

唐深趙觀察使康日知

唐趙州長史韋景駿

宋慶源軍通判魯伯能

元趙郡達魯花赤怯失迷兒

元知趙州事溫迥罕完

元知趙州事齊謙

明知趙州事章綸

明知趙州事何濬

明知趙州事潘洪

明知趙州事陳瑄

明知趙州事趙開心

明知趙州事王端冕

明趙州學正陳廣心

明趙州訓導王一統

國朝

知趙州事陶鼎鉉

知趙州事胡枝蕙

鄉賢祠

楚蘭陵令荀卿

趙上卿藺相如

趙信平君廉頗

趙武安君李牧

西漢車騎都尉馮唐

東漢東光侯耿純

南北朝平棘侯李順

南北朝宣城公李孝伯

南北朝諡貞靜處士李謐

南北朝開府參軍李士謙

唐刑部尙書李乂

唐丹陽主簿啖助

唐諫議大夫李翱

宋兵部員外郎張旦

宋參知政事宋綬

宋冀國公王德用

宋賜狀元及第龍圖閣直學士宋敏求

金尙書左丞賈益謙

明南京兵部右侍郎王詔

明南京戶部右侍郎王珩

明南京戶部員外郎王簡

明膠州刺史張居仁

明工部給事中王猷

國朝江南來安縣知縣楊宗昌

書籍

聖諭廣訓二册

學政全書一部

上諭三部

又二册
又六道

續增學政全書一部

御製平定金川碑文

畿輔通志一部

御製平定準噶爾碑文

科場條例一部

日講四書一部

訓飭州縣規條一册

周易折衷一部

吏部品級考一部

書經傳說一部

文武官員相見儀一部

詩經傳說一部

大清律例一部

春秋傳說一部

大清律例續纂二册

三禮義疏一部

大清律續纂條例二册

性理一部

大清校正條例一部

通鑑綱目二部

督捕則例一部

通鑑綱目三編一部

三流道里表一部

明史一部

軍衛道里表一部

朱子全書一部

銓選處分則例一部

康熙字典一部

申樞政考一部

四書文一部

洗冤錄一部

文廟各壇祭圖一部

禮部題奉欽依刊立臥碑曉示生員

朝廷建立學校選取生員免其丁糧厚以廩餼設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子孫當受教父母愚魯或

有非為者子既讀書明理當再三懇告使父母不陷於危亡

一生員之志當學為忠臣清官書史所載忠清事跡務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪枉自殺其身常宜自省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事止許家人代告不許親與他人詞訟他人

亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師者當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官長武斷鄉曲所作文字不許妄行刊刻違者聽提調官治罪
忠義孝弟祠

大清會典載雍正二年欽奉

諭旨於學宮內建忠義孝弟之祠一所祠門外立石碑一通忠義孝弟之人俱標姓名於其上已故者設牌位於祠中春秋致祭以闡幽光而垂永久

祀期陳設儀注均與名宦祠同

節孝祠

歲以春秋仲月上戊日致祭用少牢一跪三叩首禮

昭忠祠

祀期品禮同節孝祠

魁星樓

考大清會典禮部則例均無祀典禮惟本州於丁祭禮

畢後命教官致祭行一跪六叩首禮祭品用羊二

廟祀

關帝廟

帝諡壯繆乾隆二十五年改諡神勇

國朝順治元年定制每年五月十三日祭關帝神九年

敕封忠義神武關聖大帝雍正三年

敕封關帝三代公爵曾祖光昭公祖裕昌公父成忠公制

造神牌供奉後殿除五月專祀外前後殿春秋仲月

擇日並祭咸豐年間奉

旨升入中祀祭期欽天監選擇禮部題奏

欽定頒行直省通行

前殿帛一白爵三鐙一劍一簋二盥二牛一羊豕一

籩十豆十饗二後殿每案帛一爵三籩八豆八羊一豕一鐙二其五月十三日但祭前殿果五牛羊豕同不用籩豆不用祝文前殿如文廟後殿如崇聖祠禮祭文

維帝浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異績顯佑羣生恭值嘉辰遵行祀典筵陳籩豆几奠牲醪尙饗

三代祭文

維公世澤貽庥靈源積慶德能昌後篤生神武之

善則歸親宜享尊榮之報列上公之封爵錫命攸隆合三世以肇禋典章明備恭逢諏吉祇事薦馨尙饗文昌廟

每歲以春秋二仲月上丁日祀文廟畢致祭行一跪三叩禮

國朝咸豐年間升入中祀加封三代祭如文廟之禮後殿如崇聖祠之禮祭期欽天監選擇禮部題奏恭候欽定頒行直省通行又俗稱二月初三日爲神誕辰士庶多持辦香祝之

維神蹟著西樞宿環北極六筮麗曜協昌運之光華

累代垂靈爲人文之主宰扶正久彰夫感召薦馨宜致其尊崇茲屆仲春用昭時祝尙其歆格鑒此精虔尙饗

後殿供奉陳設品物行禮儀注均與祭

關帝三

代同

嘉慶六年太常寺奏准

祝文

竊維祭引先河之義禮崇反本之思矧夫世德彌光賞鑒斯及祥鍾累代燭列宿之精靈化被千秋爲人文之主宰是尊後殿用答前庥茲當仲春肅將時事用申告潔神其格歆尙饗

城隍廟

明洪武三年詔去封爵止稱府州縣城隍之神

國朝定制春秋與風雲雷雨同壇清明中元下元並主

厲壇祭廟則守土官朔望行香祭品祝版一帛一

白

爵三鉶一簋二盞二籩八豆八羊一豕一鐙二

祭文

惟神德懋聰明功隆捍禦壯金湯於千載崇墉表畿甸之規節風雨於四時和會佐歲功之敘禍淫福善顯呈有赫之靈威阜物康民默相無私之化育神庥丕應祀典宜昭敬揀日時肅陳牲帛馨香惟德鑒格

在茲尚饗

八蜡廟

禮郊特牲天子大蜡八伊耆氏始為蜡蜡也者索也
 歲十二月合聚萬物而索饗之也考蜡之神有八鄭
 康成謂一曰先嗇神農二曰司嗇后稷三曰農古田四曰
 郵表畷郵郵舍之神也表標也畷田畔聯畷之處謂標表田畔築為郵舍以居田畷
 五曰貓虎貓食田鼠虎食田豕六曰坊所以蓄水七曰水
 庸用以洩水亦以蓄水八曰昆蟲螟螣之屬害苗者也列昆蟲合貓虎者
 昆蟲不為物害亦其功非祭昆蟲乃祭主昆蟲者也
 歲以春秋仲月上戊日致祭

劉猛將軍廟

按降靈錄神名承忠吳川人元末授指揮弱冠臨
 戎兵不血刃盜皆鼠竄適千里飛蝗徧野揮劍追
 逐須臾蝗飛境外後因鼎革自沈於河有司奏請
 遂授猛將軍之號

國朝雍正二年奉

敕建廟

祭以臘八日用少牢一跪三叩首禮

火神廟

火神之祀由來已久唐貞觀中建廟於京師宋元因

之

國朝康熙二年列祀典每年以六月二十三日祭如關
帝廟現行之禮今各郡縣皆有廟祀期同或日四月二十八日

神誕日不可考

龍王廟

歲以春秋二仲月辰日致祭如風雲雷雨壇禮

馬神廟

考周官馬神之祭有四春祭馬祖天駟星也夏祭先
牧始養馬者秋祭馬社始乘馬者冬祭馬步乃神之
災害馬者

以春秋二仲月甲戌日庚日致祭行三獻禮本州祭
用少牢行二跪六叩首禮

土地祠

祀期亦用春秋二仲月上戊日品用少牢行二跪六
叩首禮

獄神祠

祭用少牢行一跪三叩首禮

蕭曹祠

歲以誕辰行二跪六叩首禮

雩祭

乾隆七年禮部議直省府州縣衛孟夏擇日行常雩
禮或有亢旱七日一祈先於界內山川次祭社稷不
雨祈禱如初其或霑潦則伐鼓用牲崇祭城門以祈
晴霽

常雩合祭風雲雷雨社稷山川先農於壇陳設禮儀
如春秋壇祀例無血豆不瘞毛血

祭文

惟神恭膺

詔命撫育羣黎仰體

彤庭保赤之誠勤能勸稼俯維葑屋資生之本力穡服田

令甲爰頒肅舉祈年之典惟寅將事用伸守土之忱
黍稷惟馨尙冀明昭之受賜來牟率育庶俾豐裕於
蓋藏尙饗

凡祈雨祈晴祝文取切時事無定式也

直隸趙州志卷五

官師志

國家列爵分符張官置吏凡以爲民也自郡守以至教職皆有廣厲風化之權苟有治蹟如龔黃教授如胡瑗者可毋書之俾民知父母士有矜式乎乃趙自周秦後郡國異名官職殊號六朝前姓氏著稱者無幾矣有唐以迄金元寥寥其人而事實又闕迨至明代亦多逸亡今考舊志詢長老之類以時類分據事直書於以景往哲而告來茲或將有聞風而興起者

志官師

封爵

官師表

名宦

職官

封爵

南史鄱陽王恢曰漢之封建藩屏而已視事親民自有其人蓋自風會澆漓君人者無富貴與共之實受封者無左右夾輔之勞所謂延及苗裔與國咸休皆成虛語讀黃初自試之表未嘗不令人三歎也趙郡封爵獻侯敬侯七國並峙時勢使然漢初張敖執禮惟謹似有柔順堅貞之念而貫高一時憤恚逆志遂萌卒之貶爵削地上下俱失嗚呼葛藟本根之庇宗子維城之勢難見於後世久矣自唐及宋雖有啟封之稱並無胙土之實每況愈下亦後世運會所趨讀

書者不必深責也

周

趙自造父始封趙城幽王時造父七世孫叔帶去周如晉始建趙氏於晉國晉懿公時趙遂分晉盡有東鄙之地世世建侯傳至幽繆王遷以不用李牧為秦所滅

附 戰國時趙世系

敬侯章 十二年 成侯種 二十五年 肅侯語 二十四年

武靈王雍 二十七年 惠文王何 二十三年 考成王丹

二十一年 悼襄王何 九年 幽繆王遷 七年

秦

趙王武臣陳人二世元年畧趙地自立為王凡四月為李良所殺趙王歇故趙後裔二世二年張耳陳餘擊李良立歇為王漢元年項籍徙歇於代而王趙相張耳於趙陳餘以齊兵擊耳復王歇於趙漢三年為漢所擒

漢

趙王張耳大梁人初耳以從入關項籍立為趙王後為陳餘所擊亡走漢拜為成信侯漢三年耳與韓信定趙地斬陳餘擒王歇遂命狗趙地四年立為趙王五年薨子敖尚呂后女紹封八年以貫高謀逆廢為宣平侯

棘蒲剛侯陳武 案史記齊悼惠世家作柴武高漢書功臣祖紀注漢書音義曰武一姓柴

趙州志

卷五

封爵

二

表以將軍前元年將卒二千五百人起薛別救東阿至
霸上一歲十月入漢擊齊歷下軍臨淄侯高祖六年三
月封三十八年孝文後元年薨

下棘懿侯林摯案史記表作執漢書功臣表以客從起亢父斬章

邯所置蜀守用燕相侯千戶高祖七年封二十四年薨

子辟疆孝文五年嗣

宋子惠侯許惲案史記索隱云亦作歷漢書功臣表以漢三年用趙

右林將初擊定諸侯五百三十六戶功比歷侯高祖八

年三月封四年薨留十二年嗣二十五年薨

趙隱王劉如意漢書諸侯王表高祖子九年四月立十二

年為呂后所殺亡後

趙共王劉恢漢書諸侯王表高祖子十一年三月封梁王

高后七年徙趙亡後

趙幽王劉友漢書諸侯王表高祖子十一年封淮陽王惠

帝元年徙趙十年呂后幽殺之遂孝文元年紹封立

二十六年孝景三年以逆誅國除

趙敬肅王劉彭祖漢書諸侯王表景帝子二年二月封廣

川王四年徙趙六十二年薨傳五世孫隱王莽篡位貶

為公明年廢

封斯戴侯劉胡傷案史記表傷作陽漢書王子侯表趙敬肅王子

元朔二年六月封二十五年薨 如意太初三年嗣五

十二年薨 宮甘露四年嗣謚孝 仁嗣

漢書地理志封斯屬常山郡案故城在今趙州西南二

十里封斯村

趙孝王劉良後漢書宗室四王三侯傳字次伯光武叔父
建武二年封廣陽王五年徙趙十三年降為趙公十七
年薨立凡十六年至八世孫珪建安十八年徙封博陵

魏

趙王曹幹魏志武文世王公傳武帝子黃初二年封燕公
三年為河間王五年改封樂城七年徙封鉅鹿太和六

年改封趙王累增邑并前五千戶

南北朝

趙郡王幹魏獻文子太和九年封王貪淫不道高祖省其
鼓吹甲士數其過杖之一百免所居官以王遷第二十
三年薨素愛少子謚故襲封至莊帝詔復立長子謚紹
封

趙郡王琛北齊神武帝子少時嫻弓馬有志氣太昌初封
南趙郡公及歿追封趙郡王子獻嗣封天寶二年出為
定州刺史復加六州大都督時年十七留心庶務糾摘
奸佞勸課農桑接禮民儻所部大治稱為良牧後進宗

趙少志 卷五
正拜太尉

宋子侯周忸魏書高宗紀太武帝賜爵進封樂陵王

周

趙王宇文招周書諸王傳文帝子字豆盧突武城初封邑一萬戶後爲隋文所害謚曰僭

唐

趙郡王孝恭唐宗室初封河間元王少沉敏有識量高祖定京師詔拜山南招慰大使狗巴下三十餘州進擊朱燦破之俘其眾時蕭銑據江陵孝恭數進策圖銑帝嘉之封趙郡王

趙王李元景舊書高祖諸王傳高祖

武德三年封貞

觀十年徙封荆王

趙王福宗室子貞觀十三年封趙王薨贈司空無子神龍初以蔣王暉孫思順嗣

趙王瑀蔣王暉子休道之子神龍元年封嗣趙王

趙國公長孫無忌新書本傳字輔機文德皇后兄以佐命元勳貞觀十一年詔爲趙州刺史以趙爲公國後被誣流黔州卒

趙王業惠宣太子始王趙降封中山初母早終從母賢妃鞠之開元八年迎賢妃外邸事之甚謹其女弟淮陽涼

國二公主亦早卒撫甥與己子均帝益愛之絕嗣

宋

趙國公王晏宋史本傳徐州騰人太祖即位封乾德元年

追封徐國公

后妃

李希宗本州人女為北齊文宣皇后生太原王紹德貴

寵無比

李叔讓本州人女為齊武成王妃生南陽王

官師表

周

趙利

趙臣勸趙獻侯假道於魏伐中山

公仲連

趙相國肅侯欲賜歌者田不與祀名宦

番吾君

趙臣薦牛畜荀欣徐越三人

荀

欣

侍趙烈侯以選練舉賢任官使能拜為中尉

牛畜

侍趙烈侯以仁義徐約以王道拜為師

徐

越

侍趙烈侯節財儉用察度功德拜為內使

大戊午

趙臣諫肅侯遊大農陸以春耕不可妨

李

庇

趙臣勸武靈王伐中山

李

兌

趙臣主父時為司

扈

輒

趙將悼襄王時軍武遂為秦所殺

司馬尙

趙將趙王遷七年

顏

聚

初為舉將事趙王遷代李牧距秦師為秦所擒

趙

葱

趙將趙王遷七年代司馬尙將為秦所殺

漢

周

昌

沛人高帝時以御史大夫為趙相

賈

復

更始初為中山校尉後調鄆尉祀名宦

後漢

柏

楷

趙郡太守

張

承

修武人以丞相參軍祭酒領趙郡太守

十六國

和郁

趙郡征北將軍

北魏

王

憲

北海人皇始初投歸趙郡道武帝以為本州中正

李

曾

魏道武時為趙郡太守令行禁止鄰寇憚之

樓

稟

代人魏高祖時趙郡太守後為衛尉少卿

孔

昭

太武帝朝趙郡太守

李元忠

平棘人魏普太中為趙郡太守

李

璨

文成帝時趙郡太守

李憑

華弟魏進安初定州大中正坐附趙

李

均

平棘人魏太昌中趙郡太守

守

修遷趙郡太守

崔楷

魏孝昌時殷州刺史

崔做

武城人魏孝昌中趙郡太守

崔孝偉

安平人趙郡太守有惠政

李善

平棘人魏天保末趙郡太守

北齊

暴顯

斥邨人齊乾明二年除趙州刺史後封定陽王

顏之推

臨沂人清河末趙州參軍後為學士

皮景和

下邳人武平中趙州刺史後遷尚書

鄭述祖

開封人天保初趙州刺史

元襄

洛陽人武帝時趙州刺史

趙仲卿

隴西人武帝時趙州刺史

李稚廉

趙州大中正

李祖勳

武成時趙州刺史

周

元袞

武帝朝趙州刺史

隋

楊達

字上達宗室高祖朝趙州刺史

梁彥光

烏氏人文帝時趙州刺史

魚俱羅

下邳人煬帝時趙郡太守

楊義臣

代人仕煬帝為趙郡太守

唐

張道源

祁人高祖時淮安王畧定山東令守趙州

長孫無忌

性敏博學貞觀中以功授趙州刺史

道王元慶

高祖第十六子貞觀九年拜趙州刺史

韋景駿

萬年人神龍初趙州長史

豆盧欽望

萬年人長壽中以都督拜趙州刺史

高

叡

萬年人聖歷初為趙州刺史

弓志元

永徽中為平棘令

楊元琰

魏州閭鄉人為平棘令課最第一御史表其政

姚

班

萬年人思廉孫舉明經睿宗時為趙州刺史

康日知

靈州人德宗時為深趙觀察使

周

昉

趙州長史

鄭

晃

其先滎陽人為高邑尉轉趙州司法參軍貞元四年卒葬高邑西原十里有墓誌銘

李光顏

穆宗朝深趙觀察使

李君武

趙州司馬

五代

烏

震

莊宗朝歷深趙二州刺史

符令謙

趙州昭慶人明宗朝為趙州刺史

沈

斌

趙州刺史

賈

緯

鎮州獲鹿人天成中辟趙州軍事判官

宋

王彥超

周世宗時同韓通將兵禦敵於趙地

李

縉

人太祖建隆中任趙州刺史

陳萬通

人太祖時任趙州刺史

杜延紹

人太宗時以賓禮使出刺史

毋守素

人太宗時任趙州刺史

賀藏之

人太宗時任趙州刺史

宋温舒

人太宗時任趙州刺史

錢守俊

雷澤人太平興國中率師屯定趙二

鄭德宣

人太宗時以殿中丞任趙州刺史

楊咸用

太宗時趙州刺史

李

憲

太子中允出為趙州刺史

高彥儔

太原人太宗時領趙州刺史

李

蟠

侍御史出刺趙州

劉湛

太宗時任趙州刺史

張子明

趙州刺史

郭超

太宗時任趙州刺史

約令鈞

趙州刺史

曹璨

字韜光真定人武惠王彬子雍熙中知定州復拜趙州刺史

張

疑

咸平中遷趙州刺史

荆嗣

冀州人咸平中趙州都部署

田

沂

真宗時以太子中允出為趙州刺史

齊尊

人咸平初任趙州刺史

王用和

真宗時以虞部員外郎任趙州刺史

鄭成

人真宗時以保州團練任趙州刺史

李

儉

真宗時以太常博士出為趙州刺史

姚潤之

真宗景德時以員外郎出為趙州刺史

尙牧

真宗時任趙州刺史

李

格

人真宗時任趙州刺史

可榮

真宗時任趙州刺史

嚴

穎

員外出為趙州刺史

張霞

真宗時虞部員外郎出刺趙州

孫

沔

字元規越州人為趙州司理參軍

康德興

字世基洛陽人歷知冀保趙三州

李

斌

州刺史

李運

仁宗時趙州刺史

趙

喻

虞部員外郎出為

趙州刺史

李用和

明道中以內尉丞出為趙州刺史

汪固

人仁宗時趙州刺史

張德基

趙州刺史人仁宗初任

李大成

景祐中以禮賓副使出為趙州刺史

劉禮釗

景祐中以內殿丞相出刺趙

王德成

仁宗時以禮賓副使出刺趙

王世文

慶厯中以崇儀副使出刺趙

耿從政

仁宗時刺趙

同綬

仁宗時刺趙

張禮

仁宗時以左藏副使出刺趙

王簡

仁宗時刺趙

劉義叟

晉城人皇祐中權趙州軍事修唐史

王儀

人皇祐中以內藏庫使出刺趙

王日宣

至和中刺趙

彭再問

至和中刺趙

李佑之

人皇祐中以內藏庫使出為趙州刺史

張畢南

嘉祐中以竹坊副使出刺趙

劉健

仁宗時以內殿丞出刺趙

夏元昌

仁宗時以文思副使出為趙州刺史

張克儉

英宗時以鎮庫副使出為趙州刺史

陳坊

英宗時以左庫副使出為趙州刺史

毛永保

神宗時以左藏府庫使出為趙州刺史

王易

神宗時以宮苑使出為趙州刺史

楊拙

熙甯中內藏庫使出刺趙

劉夔吾

熙甯中內藏庫使出為趙州刺史

高復

神宗時趙州刺史

王同

神宗時殿中丞出為趙州刺史

杜紳

神宗時朝奉郎出刺趙

史宗範

元豐中朝丞大夫出為趙州刺史

陳仲

元豐中員外出為趙州刺史

張欒

哲宗時朝散大夫出為趙州刺史

張億

哲宗時趙州刺史

張保

哲宗時趙州刺史

祝康

哲宗時朝奉大夫出為趙州刺史

官師表

晁端 哲宗時朝散大夫出為趙州刺史 曹談 元祐間刺趙

李均 紹聖中朝散大夫出刺趙 張遐 哲宗時以朝請郎出刺趙

宋正功 元符初朝請郎出刺趙 魯伯能 吳興人大觀初通判慶源州軍事領雲騎尉

郭虞卿 徽宗時刺趙 李許 徽宗時以防禦使遷趙州刺史

石舜舉 崇甯間刺趙 郭景修 徽宗時刺趙

廉嗣 大觀中以內殿丞出刺趙 李夔行 大觀中刺趙

高公純 政和間武顯郎為趙州刺史 蔣大方 政和中刺趙

王師古 徽宗時以武功大夫授趙州刺史 鄧光祚 徽宗時刺趙

任良弼 政和中以中大夫出刺趙 趙令廉 宣和中以朝請大夫出刺趙

文紂申 徽宗時以修撰出刺趙 王純 徽宗時以直龍圖閣出刺趙

王倚 宣和中以直龍圖閣出刺趙

金

張浩 天會八年進士趙州刺史 完顏宗永 熙宗朝趙州刺史

烏庫哩芬 世宗朝沃州刺史 納蘭胡魯刺 承安二年進士沃州刺史

伊喇富森 原任移刺福僧任莫沃二州刺史 完顏僧家努 貞祐中沃州刺史

李瑪 宣宗朝沃州刺史

元

王義 太祖時歷深冀趙三州招撫 王利用 中統初趙州知州

趙振玉

趙州管內觀察使

耶律天祐

趙州安撫使

王玉

趙州慶源軍節度副使

溫迪罕完

至元元年知趙州

齊謙

至元中知趙州

怯失迷兒

至順中為趙郡達魯花赤廉慎公恕

葛允

山東鄆城人至正間任趙州

賈仲信

至正中知趙州事

王蔚

至正中趙州太守

知州

明

趙銘

江西人洪武二年任

董正誼

洪武七年任

顏昭

洪武十一年任

于璽

洪武二十八年任

曹紀

洪武三十八年任

袁庠

豫州人永樂二年任

曹本忠

磁州人永樂十三年任

訾能

永樂十四年任

姚慶

岷州人永樂十七年任

李衡

沔陽人宣德四年任

田宣

沂州人宣德八年任

馮昭

海鹽人宣德十年任

李實

康縣人正統元年任

胡宏

洛陽人景泰元年任

何濬

靈寶人天順二年任

孫禮

鄆城人天順五年任

彭景忠

番陽人天順八年任

潘洪

雲都人成化七年任

童俊

蘭谿人成化十一年任

陳瑄

武昌人成化十四年任

劉源

休甯人宏治三年任

張清

婺源人舉人宏治九年任創修州志

孫榮

華容人宏治十三年任

周統

廬陵人宏治十四年任

程遵 蘇州人宏治十五張文 汝上人正德元年

楊挺 沂州人正德二年紀勛 雲南人正德五年

王廷相 陳州人正德八年婁志德 項城人正德十二

張澗 常陽人正德十四張大林 太原人嘉靖二年

蕭嵩 棠邑人嘉靖六年姜朝楨 黃縣人嘉靖十一

邢永良 石州人嘉靖十四李璽 縉雲人嘉靖十四

范昕 絳州人嘉靖十八溫昺 靈石人嘉靖二十

甘澧 蘄州人嘉靖二十車燦 石州人嘉靖二十

羅章 桂林人嘉靖二十馬晉 會稽人嘉靖二十

許邦才 歷城人嘉靖三十余鏞 鉛山人嘉靖三十

張衷 麻城人嘉靖三十沈應元 常熟人嘉靖三十

朱邦英 華縣人嘉靖三十郭懋 江夏人嘉靖四十

徐用方 賓州人嘉靖四十李方至 富順人嘉靖四十

蔡懋昭 上海人嘉靖四十胡汝嘉 南京人未任回籍

劉天仁 趙城人隆慶四年吳粟 錢塘人萬曆二年

屠安民 金州人萬曆四年楊存愚 長壽人萬曆八年

何居魯 晉江人萬曆十一鄧怡 祁陽人萬曆十四

施以敬 福建人萬曆十八王汝廉 沁水人萬曆四十

楊之林 雲南人林國光 福建人

曹一麟 山東人范垠 陝西人

呂繼編

袁世用 江西人

陳時政 廣東人

吳俊 陝西人

王佐才 河南人

蔣覲 南直人

王家徵 山西人

賈師達 陝西人 陞刑部員外 歷兵憲

趙民戴 雲南人

劉桂梯 雲南人

張璿 福建人

宋獻 南直人

張文顯 陝西人

王端冕 字服先 江陵人 崇禎十五年死難 福建人

趙開心 湖廣人 歷都察院

王之驥 福建人

閻承寵 陝西人

國朝

李夢龍 東鹿人 順治二年 孫永盛 遼東人 順治三年 任陞河間知府 歷揚州運司

胡以滋 遼東人 順治四年 孔興訓 曲阜人 順治五年 任陞延平府同 歷 贛州知府

陶鼎鉉 遼東人 順治九年 韓廷柱 遼東人 順治十三年 任陞鎮江府同 府知

商永傑 洛陽人 順治十七年 祝萬祉 遼東人 康熙二年 任陞鄭陽知府 詔修州志

党之煌 關西人 康熙年 張乃英 遼東人 康熙年 任陞山東鹽運司

李夢白 陝西人 康熙年 龔嶸 閩縣人 康熙二十年 任陞工部員外 嶸 八年任陞松江大 守

李坦

湖廣蘄州人康熙三十一年任

徐士鑑

長洲人貢生雍正二年任

齡椿

乾隆五十七年任

李符清

合浦人舉人嘉慶元年任

孫樹本

仁和人進士嘉慶元年任

巴口

九年任

胡枝蕙

六安州人十五年任

彭大儼

江西人二十一年任

李景梅

上蔡人舉人二十年任

姚麟紱

桐城人進士道光元年十月任

懷豫

正黃旗人道光二年二月任

劉國霖

夏邑人道光二年六月任

鄭承先

溫縣人道光三年六月任

愛祿

正紅旗人三年九月任

葉德豫

上元人十一年七月任

德克崇額

正紅旗人十二年四月任

張起鵬

涼州人十八年四月任

何煥緒

江夏人十九年十月任

宋忠信

平定州人貢生二十年二月任

彭邦畲

南昌人廩生二十年七月任

金殿

六安州人貢生二十一年三月任

毓山

正白旗人二十四年二月任

胡允植

重慶人二十四年任咸豐初年復任

寶琳

廂黃旗人廩生二十四年七月任

廣粵

正紅旗人二十五年八月任

朱華袞

邵武人咸豐元年任

陳鍾祥

貴州人五年七月任

喬邦哲

徐溝人六年十一月任

鄭沂

陽曲人八年三月任

汪鳴和

吳縣人八年十一月任

楊春華

南昌人舉人同治二年二月任

段廣瀛

蕭縣人進士三年九月任

范鎮翎

祥符人四年三月任

寶森

鑲白旗人五年三月任

徐承堯

紹興人五年六月任

劉錫穀

安邱人舉人五年八月任

高維翰

泰州人七年三月任

張保泰

和州人十年正月任

存祿

正白旗人十年十一月任

楊蔚本

遵義人光緒四年五月任

容裕 正黃旗人十年十月任 高建勳 章邱人十一年十一月任

徐慶銓 仁和人十五年任 白冠瀛 山西介休人附貢十九年任

孫傳棻 壽州人拔貢二十一年七月任

明

同知通判

楊名 洪武八年任 張真 洪武十三年任

沈子房 廣東人永樂二年任 趙允 齊河人永樂三年任

溫彬 保甯人永樂六年任 程魁 永樂十年任

程照 永樂十三年任 徐棟 房縣人永樂十三年任

徐簡 永樂二十年任 李昭 黎城人永樂二十六年任

李湘 宣德元年任 王進 宣德三年任

侯暹 大興人宣德四年任 袁通 上元人宣德六年任

王潛 武功人宣德六年任 謝永 廣西人宣德八年任

章 綸 任 桐城人 正統五年 王 規 任 平涼人 正統 年

張 才 任 新城人 正統十二 廬 旭 任 宜春人 正統十四 年

吳 教 任 順昌人 景泰元年 張 翼 任 上城人 景泰二年

何 彬 任 廣賀人 景泰三年 王 貫 任 肥城人 景泰四年

屈 恭 任 羹陵人 天順二年 沈 正 任 桐鄉人 天順三年

孟公 覲 任 溫水人 天順五年 段 里 任 祥符人 天順六年

陳 瓚 任 永淳人 成化元年 徐 侃 任 樂平人 成化二年

李 俊 任 益都人 成化五年 毛 麟 任 樂平人 成化六年

陳 琦 任 永康人 成化九年 羅 純 正 任 四川人 成化十年

張 鼎 任 蒙城人 宏治五年 閻 琮 任 清源人 宏治六年

王 琬 任 恩縣人 宏治七年 黃 琳 任 福山人 宏治九年

陳 玘 任 臨安人 宏治十一 靳 鑰 任 長壽人 宏治十三 年

黃 譽 任 金堂人 宏治十五 王 紳 任 潞州人 宏治十八 年

鮑 捷 任 舒城人 正德三年 周 克 譽 任 香城人 正德五年

王 錦 任 文登人 正德七年 孫 濟 任 鹽城人 正德九年

楊 崇 任 禹城人 正德十四 郭 璋 任 沔池人 嘉靖元年

張 綸 任 鄆州人 嘉靖四年 孫 傳 任 章邱人 嘉靖十一 年

李秉 彝 任 章邱人 嘉靖十二 魏 洪 任 漢中人 嘉靖十三 年

劉彥 章 任 嘉靖十四年 吳 邦 教 任 平涼人 嘉靖十六 年

武 鐘 任 榆林人 嘉靖十九 陸 健 任 長洲人 嘉靖二十 年

魏和 陽城人 嘉靖二十一年任 何鏜 丹陽人 嘉靖二十一年任

吳欽 江陵人 嘉靖二十一年任 程鉞 徽州人 嘉靖二十一年任

王邦正 上海人 嘉靖二十一年任 王鑑 武功人 嘉靖二十一年任

徐云 餘姚人 嘉靖二十一年任 王朝漢 靜甯人 嘉靖二十一年任

許國 懷遠人 嘉靖二十一年任 王臣 蔚州人 嘉靖二十一年任

楊一道 武進人 嘉靖二十一年任 孫大學 山陰人 嘉靖二十一年任

許嶠 錢塘人 嘉靖二十一年任 孫述 新泰人 嘉靖二十一年任

張附翔 潞安府人 隆慶三年任 謝岳 江甯人 萬曆二年任

張治本 懷來衛人 萬曆五年任 梁檟 平遙人 萬曆八年任

應綏來 永康人 萬曆十三年任 章日進 會稽人 萬曆十七年任

張樞 臨朐人 萬曆十八年任 李可觀 巴州人 萬曆二十一年任

朱之屏 光州人 萬曆二十四年任

州判

國朝

馬士聘 廣西人 順治二年任 邵汝賢 浙江人 順治四年任

楊耀武 遼東人 順治八年任 劉棟 遼東人 順治十二年任

施挺寶 江南人 順治十六年任 吳聞知 湖廣人 順治十八年任

朱以論 河南人 康熙四年任 杜世美 江南人 康熙八年任

陳圖拱 福建人 康熙十一年任 辛國華 遼東人 康熙年任

潘相 桐城人 嘉慶二十一年任 張鳴毅

車焜 會稽人道光四年夏廷瑚 青田人道光六年八月任

許瀚 南昌人九年十一月任 徐嗣曾 祥符人十二年八月任

鄒士標 崇安人十三年七月任 祁潔 南陽人十六年十月任

鄧錫恩 崇重人十六年任 黃雲光 閩縣人十九年三月任

姚森培 歸安人二十年四月任 向開先 桑植人二十一年二月任

蕭馥遠 瀘州人二十一年十一月任 龔衍 會稽人二十三年任

席伊炳 灑池人二十四年八月任 何柎 金堂人二十五年三月任

康炳麟 江夏人二十八年任 蔡鴻勛 桐鄉人咸豐三年任

趙志宣 進賢人咸豐三年任 高昂 膠州人九年任

孟傳鑄 章邨人九年任 何春衢 南平人同治五年任

趙煜 涇陽人同治十一年任 崔允勤 太平人同治十二年任

馬震翥 章邨人光緒八年任 焦立奎 黃縣人十六年任

吳作舟 廣東嘉慶人二十年任

吏目

明

陳鼎 棠邑人隆慶四年任 李從甫 曲沃人萬曆三年任

吉滿 博興人七年任 任遠 昭遠人九年任

趙一鵬 觀城人十四年任 王元正 階州人十五年任

程益修 歙縣人二十二年任 李懋春 深州人二十二年任

國朝

施文偉

池州府人順治元年任

劉茂賢

浙江人三年任

沈汝魁

浙江人五年任

鄭淑友

福建人十年任

党養吾

陝西人十六年任

朱繩業

浙江人康熙八年任

白方旭

山西人十二年任

葛若熿

濮州人道光元年任

范用霖

江蘇婁縣人元年任

錢作曾

浙江錢塘人九年任

韓作謀

河南夏邑人廩貢生十四年任

葉養度

浙江錢塘人十七年任

兆祥

鑲黃旗人十七年任

熊一階

江西豐城人二十年任

陳鷗

浙江錢塘人二十年任

文懷

四川涪州人二十年任

車志鎔

浙江會稽人二十年任

榮光紱

河南固始人咸豐四年任

顧珍

浙江上虞人五年任

張允和

山東新城人七年任

袁謨

江蘇華亭人八年任

蔣敬

安徽懷甯人九年任

張鵬程

山西河津人十一年任

何東

河南祥符人同治三年任

張書田

山東歷城人四年任

徐璜

江西金谿人五年任

成邦典

江蘇清河人十一年任

魯以忠

浙江會稽人十一年任

沈昭祖

浙江歸安人光緒二年任

張傳祿

浙江山陰人二年任

陳瑛

祥符人二十三年五月任

學正

明

虞鎬

永樂十年任

鄭鋼

長洲人正統十年任

賈恭

歸德人景泰五年任

陳紀

盩厔人宏治四年任

賈哲 朔州人 去治七年 彭琳 兗州人 正德二年

劉孜 黃縣人 正德三年 牛惠 威縣人 正德七年

孫太 河南人 正德九年 李雄 開州人 正德十二年

方魏 正德十三年任 張譽 餘姚人 正德十四年

王龍 陳州人 嘉靖二十三年任 王謚 汝陽人 嘉靖二十三年任

寇韋 湖廣人 二十八年任 張從道 信陽人 二十九年任

吳泮 浦田人 三十五年任 李師言 瑞安人 嘉靖三十八年任

李仁 益都人 四十三年任 楊時榮 藍田人

蘇民懷 南海人 馮時 洛陽人

李永年 涇陽人 黃卷通 龍陽人 三年任

陳泰旦 上虞人 王廷憲 廣西人

張錫 福建人 任朝臣 涇州人

崔從教 遷安人 韓養淳 彰德人

姚咨俊 雲南人 韓國禎 景州人

楊本厚 陳廣心 元城人 崇禎十五年死難

趙維熊 封邱人

國朝

李京 邢臺人 順治三年 福澤 順天人 舉人 六年

郭俊士 順德人 順治十一年 項天成 遼東人 舉人 順治十五年任

曹從文 慶都人 康熙五年 藥正馥 山海衛人 康熙七年

閻永齡 滑縣人舉人康熙十年任 杜璋 天津人舉人道光二十一年任

滕懋德 阜城人貢生成豐元年三月任 劉廷霖 通州人舉人咸豐元年八月任

馮建子 棗強人貢生元年任 劉姓 固安人舉人同治三年任

辛家彥 天津人舉人同治七年任 張樹基 內邱人舉人光緒二年四月任

袁琥 雄縣人舉人三年任 王召金 大城人舉人三年十月任

王溥 祁州人貢生十六年十一月任 權衡鈞 廣平人舉人十七年四月任

宋春華 南宮人舉人十七年十一月任 聯啟 廂黃旗人舉人十八年四月任

訓導

明

王英 洪武二十年任 章璧 洪武二十一年任

張譽 荏城人正統八年任 高敏 樓霞人景泰二年任

陳訓 龍溪人成化五年任 楊欽 華縣人成化五年任

胡諭 湖廣人成化十年任 周英 祁門人成化十年任

武能 朔州人十八年任 王贊 祥符人十九年任

管忠 高密人二十年任 符信 永豐人二十年任

林方 膠州人宏治三年任 林賢 鳳陽人宏治八年任

高嵩 冠縣人宏治八年任 王相 山西人宏治十年任

王祿 開封人宏治十四年任 宋川 孝義人正德十四年任

傅增 臨朐人嘉靖二年任 郭本固 華州人二年在任

任連 洛陽人 夏雲 鹽城人

劉繩武 任 濟甯人嘉靖十年 朱玳 任 蕭縣人

金蘭 任 蓬萊人嘉靖十五年 鄒汝極 任 鄭州人十六年任

王采 任 麻城人十七年任 張一枝 任 鄆縣人十八年任

馮和 任 南陽人二十年任 崔顯 任 絳州人二十一年任

張銘 任 河內人二十年任 袁廷琦 任 南陽人二十七年任

唐宏 任 平定州人二十八 馬岳 任 夏縣人二十九年任

盧國珍 任 洪洞人二十九年 劉璽 任 潘陽人三十二年任

劉崇 任 福山人三十五年 柴愚 任 歷城人三十五年任

薛萬鎰 任 朝邑人三十六年 李珙 任 綿州人三十八年任

戚志道 任 汜水人四十年任 郭梅 任 高密人四十一年任

牛養廉 任 新鄭人隆慶三年 曹松 任 林縣人隆慶四年任

賈夢鯉 任 東嶧縣人 王甯 任 保安縣人

劉東 任 臨胸人 畢格 任 南皮人

宋時亨 任 永年人 翟仲爵 任 懷來衛人

田九錫 任 定興人 楊秉中 任 大名

章應奎 任 淮安人萬曆二十 黃汝發 任 河南人二十一年任

黃嘉績 任 湯陰人二十四年 白卿 任 廣平府人

王問卿 任 香河人 丁營立 任 杞縣人

胡來廷 任 甯遠衛人 張汝楫 任 新安人

馬中良 任 福建人 安國謨 任 慶都人

柯南金 福建人

諸葛應科 福建人

王素

蘇時振

胡中式 深澤人

張述古 定興人

周之祐 內黃人

唐恆古 曲周人

劉一鯤 雄縣人

馬貢圖 山西人崇禎六年任

韓發平 廣平人

孫尙倫 大同人

任生物 東光人

李粹 福建人

侯于衛 濬縣人

王之統 成安人

田見龍 灤州人

周景新 密雲人

孫愈茂 滄州人

王一統 成安人崇禎十五年死難

國朝

毛允中 邢臺人順治二年任 陳顯功 遼東蓋州人順治三年任

蔡元甯 宣府衛人順治九年任 張登龍 遵化人順治十五年任

汪輯瑞 天津人道光十七年任 段紹聞 大城人舉人咸豐五年八月任

劉鳳鳴 東鹿人六年九月任 李樹瀛 交河人同治三年九月任

曹金銘 香河人拔貢同治十三年九月任 王廷魁 曲陽人廩貢光緒元年五月任

謝傅 清河人廩貢光緒元年八月任 劉宗瀚 獻縣人光緒十一年五月任

馬振芳 寶坻人貢生十一年九月任 郭毓瑛 易州人舉人十八年九月任

馬志侃 永平人廩貢十八年十二月任

武職

守備

國朝

曹建業

咸豐五年二月任

蕭飛熊

五年六月任

龔序學

六年四月任

張連元

六年五月任

張鳳三

六年八月任

劉國清

七年二月任

會文

同治二年五月任

王從龍

二年六月任

王茂貞

二年十二月任

安錫璋

三年五月任

吳松林

四年九月任

王士祥

十三年正月任

孫貴和

光緒二十二年六月任

李榮標

二十三年六月任

把總

國朝

張建中 同治年任

王蔭經 同治年任

王捷三 光緒五年任

李榮恩 十四年六月任

王登元 十五年二月任

劉震 十六年十二月任

劉承璧 二十年六月任

馮俊傑 二十一年八月任

胡鵬飛 二十一年十一月任

趙炳奎 二十一年十二月任

趙州志卷六

官師志

名宦

牧民之術州守與邑令異州守承臺司教旨作令長
表率政教於是乎出賦稅於是乎綜盜賊於是乎追
捕獄訟於是乎讞決國法凜凜毫無假貸况趙郡地
當孔道事務殷繁供應匪易撫字尤難土壤則沙礫
相半佃種則工費不貲一遇歉歲卽難自給仰哺俯
畜之餘竭蹶甚矣剖符來者軫閭左勤劬撫摩而噢
咻之好惡與同教養備至將使比屋騰譽汗簡流芬

常山還鹿之謠烏得專美哉乃漢晉以前不可考北魏得二人北齊得一人唐及五代得五人宋元得六人史策抑何寥寥耶意者歲月綿邈書缺有閒乎有明迄康熙癸丑勤民効職者多舊志之力當國家鼎盛講求吏治之日賢牧良佐自必駢肩接迹無如乘志委棄纂述失時遂使循良治績隨荒煙蔓草以俱湮可慨也夫茲僅就士庶口傳續登數人生存者不錄避阿好也

北魏

李曾

崔孝偉

北齊

鄭述祖

唐

弓志元

高叡

康日知

五代

烏震

符令謙

宋

魯伯能

元

趙振玉

耶律天祐

王玉

溫廸罕完

齊 謙

明

章 綸

何 濟

潘 洪

馬中良

趙開心

王之統

國朝

陶鼎鉉

韓廷柱

商永傑

祝萬祉

李夢白

龔 傑

李 坦

胡枝蕙

許 鉉

姚麟紱

段廣瀛

劉錫毅

張保泰

孟傳鑄

劉 姓

北魏

李曾平棘人少治鄭氏禮左氏春秋以教授為業郡三辟

功曹不就門人勸之曾曰功曹之職雖曰鄉選高第猶

是郡吏耳北面事人亦何容易州辟主簿到官月餘遂

還家講授太祖時徵拜博士出為趙郡太守令行禁上

劫盜奔竄太宗嘉之并州丁零數為山東之害知曾能

得百姓死力憚不入境賊於常山界得一死鹿謂趙郡

地也賊長責之還令送鹿故處隣郡為之謠曰詐作趙

郡鹿猶勝常山粟其見憚如此卒贈平南將軍荊州刺

史柏仁子謚曰懿 魏書

崔孝偉安平人光州刺史挺之子也任趙州太守郡經葛榮離亂後人皆賣鬻兒女夏樵大熟孝偉勸戶人多收之郡人乃安教其人種植招撫遣散先恩後威一周之後流戶大至興立學校親加勸厲百姓賴之卒郡贈瀛州刺史謚曰簡復贈安北將軍定州刺史

北史

北齊

鄭述祖字恭文滎陽開封人歷太子少保左光祿大夫儀

同三司兗州刺史境內無盜百姓歌曰大鄭公

其父道昭曾任

兗州刺史小鄭公相去五十載風教猶相同及病篤言曰吾

以清白之名遺子孫死無所恨前後行瀛殷冀滄趙定

六州事除懷兗光三州刺史又重行殷懷趙三州刺史所在皆有惠政卒贈開府中書監北豫州刺史謚曰平

簡公

北史

唐

弓志元永徽五年為平棘令大興水利邑東二里有廣潤

陂引太白渠注之又開東南二十里之畢泓以時蓄洩

民食其利

唐書地理志

高叡京兆萬年人隋尚書左僕射頰孫也舉明經稍遷通

義令有治勞人刻石載德歷趙州刺史昌平縣子聖歷

初突厥默啜入寇叡嬰城拒虜攻益急長史唐波若度

且陷卽與虜通獻覺之力不能制卽自縊不得死爲虜
執使諭降諸縣不肯應見殺初虜至有爲獻計者曰突
厥鋒銳所向無完城公不能亢且當下之答曰我刺史
不戰而降罪大矣武后聞之歎惜贈冬官尙書謚曰節
詔誅波若籍其家下制暴獻忠節使天下知之

唐書

康曰知靈州人少事李惟岳累擢趙州刺史惟岳叛日知
與別駕李濯及步將百人啐牲血共盟固州自歸惟岳
怒遣先鋒王武俊攻之日知使客謝武俊曰賊孱甚安
足共安危哉吾城固士和雖引歲未可下且賊所恃者
田悅耳悅兵血饑邢壕不能殘半堞况吾城之完乎又

給爲臺檢示曰使者齎詔諭中丞中丞奈何負天子從
小兒跳梁哉武俊悟引兵還斬惟岳以獻德宗美其謀
擢爲深趙觀察使會王武俊勒兵拒命遣將張鍾葵攻
趙州日知破之上俘京師尋以深趙益成德徙日知奉

誠軍節度使

唐書

五代

烏震冀州信都人也少事趙王王鎔爲軍卒稍以功遷裨
校隸符習軍習從莊宗於河上而鎔爲張文禮所弑震
從習討文禮家在趙文禮執震母妻及子十餘人以招
震震不顧乃皆斷其手鼻割而不誅縱至習軍軍中皆

不忍正視震一慟而止憤激自勵身先士卒攻破鎮州以功拜深趙二州刺史為人純質少好學通左氏春秋喜作詩善書及為刺史以廉平為政有聲遷冀州刺史明宗使代房知溫戍於蘆臺軍始至而戍兵亂見殺贈太師 五代史

符令謙昭慶人宣武軍節度習子有勇力善騎射以父任為將官至趙州刺史有善政卒於州州人號泣送葬者千人當時號為良刺史 五代史

宋

魯伯能吳興人大觀初通判慶源府軍事領雲騎尉天資

明敏博學工文詞尤長吏治生平無所嗜好惟以翰墨自娛著有文集三百餘卷在趙有望漢臺銘及慶源軍使廳續題名記 志

元

趙振玉先世居邢臺遷利州之龍山金貞祐元年元帥南下史天倪迎降授萬戶開幕府明年龍山降振玉隸天倪部下雅為所知金正大二年春金恆山公武仙降已久與天倪有隙忽翻城天倪死之振玉季弟進玉沒於難振玉及從兄真定府判官真玉跳免旋隨天倪之弟天澤裒集散卒攻真定克之招降臨城杏樹等砦遂下

邢趙兩州州民在保聚者不下千百家悉復故並復趙州慶源軍本號太師木華黎遂命振玉爲節度使兼本州管內觀察使後四年改河西北路按察使兼帥府已而復授慶源在趙七年幕府上前後功擢眞定路工匠都總管始莅慶源之日戶不滿百披荆棘拾瓦礫招散亡立廬舍勸課農桑流通貿易時西山羣盜四出剽掠振玉深入誅捕境內晏然其入爲參佐也豪猾無所顧忌有白晝殺人於市者及受命再至郡民鼓舞迎勞謳歌載路甫下車按殺人者之罪駭怨家婦手刃之闔郡稱快兵燹之後文廟學舍咸傾毀振玉力任繕葺出貲

於家僱庸於民躬自督視工鉅費繁閱數年乃克有成堂廡齋厨像設禮器秩然煥然諸生釋菜如儀文教遂興故當時述良吏者稱爲巨擘初振玉父母歿時值兵亂不及葬權厝於佛寺後寺屋燬失藁殯所在治趙久有德於地爰做朱邑桐鄉之意葬父母衣冠於州西蘇村南原進玉亦耐兆域之內後世遂葬焉子昌祖襲眞定路工匠都總管別有傳

節錄元好問墓碑

耶律天祐契丹人父忒末祖丑哥仕遼爲都統不屈節死金主憫其忠義授忒末都統歲甲戌國兵至忒末及子天祐內附授帥府監軍天祐招討使從元帥史天倪畧

趙州平棘欒城元氏柏鄉贊皇臨城等縣籍其民五千餘置吏安輯焉辛巳武末與天祐畧邢洺磁相懷孟有功武末遷河北西路安撫使王午致仕退居真定天祐襲職從天倪攻取益都諸城畧滄棣乙酉金降將武仙據真定以叛殺天倪武末父子夜踰城而出會天倪弟天澤合諸軍南與賊戰走武仙復真定朝廷以天祐鎮趙州明年仙復犯真定天澤潛師出藁城武末與其妻石抹氏及家孥在真定者皆陷焉仙遣其僕劉攬兒持書誘天祐曰汝能誅趙州官吏以降當活汝父母不爾盡烹之武末密令攬兒語天祐曰仙賊狡猾汝所知也

毋以我故墮其機竄以虧忠節且忠孝難兩全汝能固守不失國家大計我視刀鋸甘如飴矣天祐慟哭承命馳至藁城以賊書示天澤天澤曰王陵之事照耀史冊汝能遵父命忠誠許國功不在王陵下天祐乃趨還趙壁率眾殊死戰仙怒盡殺武末家一十八人戰於欒城元氏高邑柏鄉仙兵屢挫監軍張林密構仙黨啟關納賊天祐倉皇巷戰手刃數十人身被十餘創斬關出復收散卒圍城丁亥賊棄城走追至藁城會天澤兵夾擊殺張林加奉國上將軍洺州征行元帥兼趙州安撫使以傷憊致仕居趙卒孫世楷朝列大夫江西權茶都轉

運使

元史

王玉趙州甯晉人長身駢肩多力金季爲萬戶鎮趙州太師木華黎下中原玉率眾來附從攻邢洛磁三州濟南諸郡又破平陽下太原汾代等州師還署元帥府監軍以趙州四十寨隸焉先是金將武仙旣降復叛宋將彭義斌在大名陰與仙合玉從史天澤攻敗武仙生擒義斌遣人賫誥命誘玉妻妻拒之曰妾豈可使夫懷二心於國家耶仙圍之數匝殺其子甯壽玉聞之領數騎突其圍斬獲數百人而還玉從史天澤諸將擊仙於趙州仙糧絕走雙門寨圍之會大風仙獨脫走斬其將四

十三人加定遠將軍權眞定五路萬戶假趙州慶源軍節度副使有民負西域賈銀倍其母不能償玉出銀五千兩代償之又出家奴二百餘口爲良民

元史

溫迪罕完蓋州人至元元年知本州州當子午要途所費不貲完從容辦集民不爲擾又平市價蠲租賦均節戶口以備凶荒民賴其利

舊志

齊謙幽都人至元間知本州每旦署事日昃方退時經歲艱食者眾謙爲申請於朝發公帑以賑之臨城縣地險而瘠民不能支有棄業亡去者所遺差額累見戶代輸謙知其寃卽與分豁平棘李成陳英爭田三十年不決

謙片言釋之皆叩首聽命又解綬日士民持送食幣謙
艱然曰吾之素志始終豈有二哉竟辭而去

舊志

明

章綸桐城人由給事中出刺本州廉介有爲善譽著聞薦
知晉州值歲饑饉而賑濟有方民賴全活者甚衆後陞

武昌知府

舊志

何濬河南靈寶人天順間由象州改知本州敷仁布惠不
尙鞭笞值歲飢賑濟有法民無流移權要有侵民地者
濬方疏於朝以身殉之未嘗計禍福卒復民業勸民起
集西關以通商旅鑿井泉以資灌溉重新學校以正士

習歷任六年民感戴如父母後陞南康知府歸老於家
州人歲遣子弟問慰不絕及卒州之男女聞而巷哭者
三日咸立木主祀之大理卿王鑑之傳其事謂趙人疾
痛必呼水旱必禱蓋親見其事云今有仰德祠春秋特

祀

舊志

潘洪廣東南海人成化四年由東平知州移守本州先是
州民多棄稼穡流離轉徙庠序之間門廡頽敗弗治洪
至歎曰稼穡民命也學校化源也二者弗脩爲政者有
餘責矣乃籍境內民數分授犁牛子種俾及時耕耘間
赴郊野課勤惰粒食漸充遠遊者率歸里復業聽訟之

暇召諸生會食與講詩書精義而徐察其行誼以勸董之賓禮其賢且才者人始知讀書之貴歲既屢豐迺修葺學宮門壁廊廡並出餘力繕城浚隍一時趨功者踴躍恐後修撰吳希賢爲之記

舊志

馬中良字瑞河四川建昌人萬曆九年任趙州訓導啟迪青衿如課子弟執贄者悉卻之時出薄俸振乏困歲凶則輸穀濟饑一時士心悅服直指使者察其才俾攝隆平令至則順人情相地利陳六事於直指皆嘉納榜示諸郡復攝贄皇令贊疲地也中良慨然曰民之凋敝胥吏爲奸耳於是嚴懲凶徒窩訪者答積書飛詭者答清

逃征田一千二十餘畝而疲困蘇四境同聲頌神君在趙五年擢交河知縣去之日諸生依依不忍捨乃肖像於石且植碑紀去思云

節錄去思碑

趙開心湖廣長沙人崇禎十二年來守本州承兵燹後繼以奇荒撫恤殘黎如救焚拯溺兵事日急餉需遞增甯甘下考不忍敲朴旋爲宵小所傾去官入

國朝官至左都御史

舊志

王一統字萃州成安歲貢性孝友妻亡不再娶修文廟新城門立義學皆首倡舉授趙州司訓值崇禎十五年亂守東門率諸生晝夜防守城破猶奮勇死拒力竭被執

顏色不變誘至明倫堂曰吾得死所矣遂罵而死廣平府志

國朝

陶鼎鉉遼東人廉幹勤明勇於任事下車日見文廟荒地卽以修復自承俟之二年四境生業漸復乃興役殿宇門壁增拓舊規崇宏恢廓遂爲諸郡之冠履畝清丈欺隱畢露賦役迺均力行保甲盜賊皆避去閭閻慶安堵焉陞鎮江府同知厥後士民公請崇祀名宦祠舊志

韓廷柱遼東人涖政寬和不事鞭朴苛察而民犯吏欺者寡舊志

商永傑洛陽人才猷豐瞻奮迅有爲尤注意文教修築明

倫堂敬一亭及兩齋舍而尊經閣更壯偉所費以鉅萬計一丁一緡未嘗索諸閭左巨觀煌煌數百年雄峙如故誰識經度之始實出使君私篋哉後之守者觀於此可以慨然慕瞿然興矣他善政無考陞鄖陽府知府舊志祝萬祉洛陽人嘗葺治常平倉工料堅實百年不敗又率紳士續修志書舊志

李夢白陝西人莅任六載士民戴德建二碑以誌功績舊志

龔嶸福建閩縣人康熙二十八年任治政勤肅役不擾民捐俸脩學增置義學田歲荒賑濟有方時率里老訓化不倦實政載去思碑舊志

李坦湖廣蘄州人康熙三十一年任正己率屬實心愛民
 凡水旱親率祈禱捷應如響施賑救荒捐貲無算種種
 惠政兆民永賴民之戴德正未有艾

舊志

胡枝蕙安徽六安州人勤於聽斷案無留牘大小之獄必
 以情未嘗輕施箠楚而禁賭弭盜執法特嚴犯者痛繩
 之故盜賊畏威不入境附州治數十里無敢聚博徒以
 陷人者五年任滿擢山西知府去之日父老祖道皆雪
 涕至西郭有婦女百人跪送枝蕙曰汝輩奚為者婦女
 同聲對曰我家男子素嗜賭公在故不敢逞公今往矣
 若輩無所畏忌將流落何所耶言畢涕泗交頤枝蕙不

忍視飲泣而去

許鏐字元孟本閩人遷無錫進士庶吉士以戶部主事改
 任州事州驛馬蕃庶歲需草數十萬斤購自閩左司入
 者握秤任手高下民苦之鏐首除其弊同聲稱便豫州
 寇亂師旅過境值歲旱穀價騰躍鏐出倉粟平糶列肆
 安堵春秋兩稅向假手市價代輸納者苦剝削而正供
 亦淹滯不及格官民交病鏐自投檣受之踴躍倍常時
 訓迪諸生肫切若塾師而慈祥寬和不輕笞責時有真
 民父母之謠在州五年以病乞歸父老叩臺門請留鏐
 卒不許著有詩文集若干卷

附宦績

姚麟紱桐城人嘉慶乙丑翰林道光元年十月任聽斷明敏猾胥畏威鑑拔士類有特識至今猶傳頌之

段廣瀛字晏洲江蘇蕭縣人咸豐癸丑翰林同治癸亥任州事時務諳練決獄如神兩造來訟者咸畏服案牘餘閒禮賢課士訓迪不倦士類翕服時書院久廢肄業者無常處爰卽明倫堂前修業齋故基築室三楹聘師儒主講席文優者厚其獎資於是郡人咸知嚮學士習民風日有起色科第漸盛皆由其陶鎔之力後陞河南儲糧道歷任湖北按察使所著有紫滄文集行世

劉錫穀山東安邨人道光甲午舉人同治五年任州事六年正月間捻匪北竄湘軍輜重駐蘇村及大石橋供億浩繁公悉捐己貲不派累鄉民更與將弁嚴定條約俾士卒帖然受範閭閻恃以無擾暇則與諸生論文講藝於明倫堂東建講堂齋舍十餘間屆期命題躬自督課激勸有方士風大振至今稱道不置

張保泰和州人同治辛未任州事廉能勤敏吏畏民懷實心爲政不務虛聲性尙儉約使令僕從寥寥數人而究心民瘼案無積牘市無冤民吏胥擾民者必重懲之受代去郡人如失慈母有自省會來者必問張公今蒞何

所其令人思慕如此

孟傳鑄字劍農號柳橋山左章邨人道光丁酉拔貢咸豐已未來判州事博聞強記爲文古茂兼工吟詠性樸直喜培植人材凡歷任郡侯興學校延師儒加考課優獎資皆由公懲勸之力同治初年捻匪馬匪猖獗前後入趙境大肆殺掠或漸逼近城垣人心惶怖計無所出公獨會僚友號召鄉紳議防守事宜立規則數條夜率眾執兵登陴以備賊賊不得入而一城之民賴以安同治十年郡侯存奉上憲檄重修趙州志請公秉筆公單身坐書城校讎編輯旦晚無暇晷大抵別具鑪錘不蹈前

人窠臼若沿革若疆域若人物志皆提綱挈要眉目燦然所著諸序傳簡潔詳明古藻紛披洵得史家精液爲作志圭臬著有西行紀程西征集已梓別有詩文集藏於家

劉姓字鹿賓順天固安人道光癸卯舉人咸豐初任趙州學正學深養邃道氣迎人工制藝名重當時遠近執贄者甚眾隨詣力淺深而裁成之論文雖模範諸名家體裁務協時趨趙郡科第不競垂數十年自先生秉鐸後造譽髦悉成良材躋仕擢科綿綿不絕士風爲之一振同治四年卒於官門人醵金歸葬至今思慕不置

職官

名宦而外再紀職官示貶乎非也顏之推賈緯王利
用之文學皮景和暴顯魚俱羅楊義臣之武功周昉
之繪事劉義叟之算術類能馳譽曩代流芬汗青又
况梁彥光韋景駿隋唐循吏善政纍纍列諸職官不
幾與碌碌充位者同類取譏乎夫志爲趙作也有功
德於趙乃登之顏賈皮暴諸人平生表著非一端而
治趙政績未詳於冊守位日淺乎載筆者疏闕乎吾
不得而知矣然除授見於史傳遺之不可也爰節錄
數語用備掌故云

北魏

江紹興

崔敞

鄭雛

北齊

顏之推

皮景和

暴顯

隋

元褒

魚俱羅

梁彥光

楊義臣

唐

豆盧欽望

韋景駿

周昉

五代

沈斌

賈緯

宋

李韜

劉義叟

金

張浩

納蘭胡魯利

元

王義

王利用

明

羅章

北魏

江紹興陳留人徙代為秘書郎掌國史二十餘年以謹厚

稱卒於趙郡太守 北史

崔敞清河人襲武陵公爵降為侯出為平原相性狷急與

刺史楊椿迭相表列免官孝昌中為趙郡太守 魏書

鄭雛滎陽開封人有識尚操行清整仕至膠州刺史初齊

文宣為皇太子納其女為良娣雛時為尚書郎趙郡李

祖昇兄弟微相敬憚楊愔奏授雛趙郡太守祖昇兄弟

具服至雛門投刺拜謁文宣聞之喜笑曰足得殺李家

兒矣 北史

北齊

顏之推琅琊臨沂人早傳家業習禮傳博覽羣書詞情典麗官湘東王繹左常侍擢散騎侍郎後為周軍所破薦往宏農掌平陽王李慶遠書幹旋來奔顯祖見而悅之侍從左右頻被顧盼河清末被舉為趙州功曹參軍齊亡入周隋開皇中太子召為學士有文三十卷撰家訓

二十篇

北齊書

皮景和下邳人少通敏善騎射天保初從征契丹定稽胡又從討茹茹每有戰功封永甯郡開國公除尚書右僕射趙州刺史

北齊書

暴顯魏郡斥邱人少經軍旅善於騎射從高祖於信都舉義後封屯留縣開國侯從世宗平王思政授潁州刺史進為公皇建元年封樂安郡開國公除趙州刺史

北齊書

隋

元褒字孝整便弓馬少有成人之量仕周官至開府北平

縣公趙州刺史後為齊州太守

隋書

魚俱羅下邳人膂力絕人從晉王平陳以功拜開府隨楊

素擊突厥進位柱國拜豐城總管煬帝嗣位遷趙郡太

守

北史

梁彥光烏氏人為歧州刺史有惠政嘉禾連理出於州境

上悅其能賜粟賜錢數歲轉相州刺史部人多變詐作歌稱其不能理化竟坐免歲餘拜趙州刺史彥光自請復爲相州上從之豪猾者聞其來莫不嗤笑彥光發姦摘隱有若神明招致山東大儒每鄉立學於是皆尅勵風俗大改

隋書

楊義臣代人性謹厚能馳射屢破突厥以功進位上大將軍檢校趙郡太守擊破高士達斬張金稱帝惡其威名

追入朝

隋書

唐

豆盧欽望雍州萬年人累官越州都督李昭德被罪有司

劾奏欽望附臣罔君貶趙州刺史中宗復位擢尙書左僕射平章軍國重事居宰相十餘年獨謹身諂諂自全而已

唐書

章景駿中明經爲肥鄉令苦漳水泛溢審度地勢因高障水沮洳盡爲良田時河北饑通其贍恤貧弱咸免流亡開元中移貴鄉令有母子相訟景駿告以少孤見人養親輒自恨終天汝幸有母在何至是錫類不行令之罪也因垂泣嗚咽乃取孝經付令習讀於是母子感悟遂稱慈孝累轉趙州長史後遷房州刺史立貢舉作興諸生通隘道作傳舍罷祠祀無名者治民惟取其便終奉

天令 宏簡錄

周昉字景立京兆人好學善屬文畫窮丹青之妙德宗時

任趙州長史冀州程修己師事之 畫斷

五代

沈斌下邳人少為軍卒事梁後事唐從魏王繼岌破蜀平

康延孝以功為趙州刺史又為邢州刺史契丹攻陷邢

州斌自盡 五代史

賈緯鎮州獲鹿人少舉進士不中州辟參軍唐天成中范

彥光鎮成德辟趙州軍事判官遷石邑令長於史學唐

自武宗後無實錄緯采次傳聞為唐年補錄六十五卷

五代史

宋

李韜河朔人有勇力膽氣善用稍太祖征二叛韜從白文

珂攻河中大破之由是知名出為趙州刺史移慈州 宋史

劉羲叟字仲更澤州晉城人歐陽修薦其學術試大理評

事權趙州軍事判官精算術兼通大衍諸歷及修唐史

令專修律歷天行志著十三代史志劉氏輯歷春秋災

異諸書 宋史

金

張浩字浩然遼陽渤海人天會八年進士授秘書郎超遷

衛尉卿求養親去職起為趙州刺史後拜左丞相封潞

王改蜀王

金史

納蘭胡魯利大名路怕魯歡猛安人承安二年進士第一

從伐宋以勞加朝請大夫改禮部員外郎曹州刺史改

沃州後權河東南路宣撫副使

金史

王義字宜之真定甯晉人河朔盜起縣人推義為長攝行

縣事木華黎兵至義以甯晉歸焉授甯晉令兼趙州以

南招撫使金將李伯祥據趙州木華黎遣義擣其城會

天大風雨義帥壯士挾長梯疾趨夜四鼓四面齊登殺

守陴者城中亂伯祥挺身走天壇寨一州遂定木華黎

承制授義趙州太守趙冀三州招撫使以功陞深州節

度使深冀趙三州招撫使武仙復遣其將盧秀李伯祥

率兵謀襲趙州並取瀝城義邀擊之擒秀伯祥退保瀝

城義引兵拔之伯祥西走

元史

王利用字國賓通州潞縣人幼穎悟弱冠與魏初同學遂

齊名初事世祖於潛邸中統初為趙州知州入為太子

賓客

元史

明

羅章廣西桂林人由舉人任靈壽知縣除奸不畏強

禦陞趙州知州

靈壽縣志



趙州志

卷六

三

